



LHAGAO THILPIEH HO

Simmun 6: August 8, 2026

“Ngailut chu nungdel un;  
ahin lhagao lam thilpieh ho  
chengse chan ding ponpan  
un, lhagao thu nasei doh  
theina ding un”

(1 Corinth 14:1)



Corinth houbung imalam jouse a kibungkhen anahi u akimu'i. Koi thusei lamkai pansah ding ham, neh thil chungchang, jinei le changkhat a umden ding thudol, lhagao thilpieh manlu pen hoiche ham, tiho a kiniei baotamna ana nei uve.

Paul in banneicha'n aseilhap pih in, chujouvin lhagao thilpieh chuom chieh anei u kibungkhen sang a kipumkhatna thahat ahijoh dan amusah tai (1 Cor. 12-14).

Thilpieh hoiche manlu pen ham? Khatcha! Ibol in?



**Lhagao Thilpieh ho:**

- ➡ Thilpieh tampi, Apetu khat.
- ➡ Tibah tampi, tahsa khat.



**Kipumkhat theina lampi:**

- ➡ Ngailut thahat kidan je.



**Thilpieh lu tah ho:**

- ➡ Pao chuom tho theina.
- ➡ Gaothu sei theina.

# LHAGAO THILPIEH HO



# THILPIEH TAMPI, APETU KHAT

“Lhagao thilpieh tampi aum na’n, ahinla ape a Lhagao khat bou ahi.” (1 Corinth 12:4)

Lhagao Thilpieh ko’n apieh ji ham? (1 Cor. 12:4-6)



|             |                   |                 |            |         |
|-------------|-------------------|-----------------|------------|---------|
| 1 Cor. 12:4 | Kibang ji lou ahi | thilpieh        | Kibang ahi | Lhagao  |
| 1 Cor.12:5  |                   | Natohna mun     |            | Pakai   |
| 1 Cor.12:6  |                   | Thilbol dan     |            | Pathien |
|             |                   | Lhagao Thilpieh |            | Apetu   |

Lhagao Thilpieh le Apetu kisamkai dan hetthiemna din Paul in vetsahna thucheng 3 amang e: thilpieh; natohna mun; and thilbol dan.

Hijieng jong leh, Apetu khat ahi: Lhagao [Thieng]; Pakai [Jesus]; chuleh [Pa] Pathien. Pathien hina thum lungkhat a tongkhom tina ahi (John 14:16).



Ahin Pathien chun Greek-Romte “pathien ho” bang a thilpieh moh pieh pieh jieng ahi poi (1 Cor. 12:2). Ngol eo eo le deisah tum ho kipe ahi poi (amaho bol ji bang a).

# TIBAH TAMPI, TAHSA KHAT

**"Lhagao thilpieh tampi aum na'n, ahinla ape a Lhagao khat bou ahi." (1 Corinth 12:4)**

**Ibol a thilpieh chuom chieh Pathien in mite apieh hin tem? (1 Cor. 12:7)**

**Lhagao thilpieh chu houbung "machalna" dia manchah ding ahi. Pathien bouvin thilpieh le akikotpi ding mi, ga hinso thei ding koi pen ahi ding ahe'i.**



**Thilpieh tampi lah a itobang hohi kipe ji ahi Paul in ati'm?**

**(1 Cor. 12:8-10; Rom. 12:6-8; Eph. 4:11-12)**

## **1 Corinth 12:8-10**

- ☑ Chihna thu
- ☑ Hetna thu
- ☑ Tahsan
- ☑ Damtheina
- ☑ Bolmo kidang bol
- ☑ Gaothu
- ☑ Lhagao photchet theina
- ☑ Pao tampi hetna
- ☑ Pao ledoh theina

## **Rome 12:6-8**

- ★ Mi sasah
- ★ Mihil
- ★ Mi tiilkhoh
- ★ Thilpha bol
- ★ Lamkaina
- ★ Hepina

## **Ephesia 4:11-12**

- ♥ Solchah
- ♥ Evangelist
- ♥ Pastor natoh

# TIBAH TAMPI, TAHSA KHAT

**"Tahsa pumkhat sung a tibah tampi aum in, tahsa tibah tampi ahivang in tipum khat bou ahi, Christa jong chuti ahi e." (1 Corinth 12:12)**



**Pathien khat ahin, Pathien hina 3 chun ama ama natoh anei chieh ui. Hitobang chun houbung jong khat ahi'n, asung tibah hon natoh chuom chieh atong un, Christa a pumkhat le thakhat ahi kit thouvui (1 Cor. 12:12-13).**

**Paul in houbung mihiem tahsa pum toh atekah hi kibanglou tampi pumkhat ahikhom dan u atahlah nuom jieh ahi. Mit in amuthei in, bil in amuthei poi. Ahin mit le bil akithokhom tieng le bou abulhing gel lhon thei bep e. Houbung sung a jong thilpieh chuom chuom nei ho ahung kithokhom tieng machalna umthei bep ahi (1 Cor 12:28-30).**



**Hijieh chun mi jouse panna nei chieh ahi; khat sang a khat lien jo thei dieh lou ahi; khat le khat kikhohsah tuo ding, houbung kipumkhatna dia pan laikhom joh ding ahi (1 Cor. 12:15-27).**



# KIPUMKHAT THEINA LAMPI



# NGAILUT THAHAT KIDAN JE

**"Amavang Lhagao thilpieh lien cheh ho hadel un. Lampi pha cheh jo kavetsah diu ahi nalai e."** (1 Corinth 12:31)

**Ngailutna hi thilpieh ahi poi;**  
**"*Lampi pha cheh jo*" chu ahi"**  
(1 Corinth 12:31). Tahsanna mipa hinkho a Lhagao Thieng ga hung umdoh chu ahi (Galatia 5:22). Lhagao Thilpieh ho ngailutna panna bouvin manchah pha asuoh thei e.

**Pao tampi thothei jong leh ngailutna pang louvin "*dah kivo ging le khutbeh kibeng ging*" tobang bep ahi.**  
**Gaothu seitheina, hetna le tahsanna thilpieh ho jong ngailutna pang louvin imalou ahi. Thilpha bol le hinkho piehdoh gei jong chuto bang ahi** (1 Cor. 13:1-3).

**1 Corinth 13:4-7 a hin ngailutna vang a lhagao thilpieh ho manpha tah asuo akimu'i:**

## Ngailutna thilbol

Athuohhat e

Ahepi e

Thudih akipapi e

Angaidam jou e

Atahsan e

Angahhat e

Akhonna gei  
apang e

## Ngailutna'n ABOLLOU ho

Athangse poi

Ahoitho poi

Akiletsah poi

Asose poi


Midang  
akhohsah e

Alungsa bai poi

Mi phatmona  
agel poi

Thilse akipapi  
poi

# THILPIEH LU TAH HO



# PAO CHUOM THO THEINA


**"Pao chuom tho a thusei chun ipi kisei ham aledoh theina din tao hen." (1 Corinth 14:13)**

Paul in pao chuom chuom tho theina thilpieh hin manpha tah a man ding aseilona chu hiche thilpieh hi Corinth mite'n lam dihlou tah a anaman jieh u ahi. Hichun kikhopna dung a chehchaona le ngolhuoi tah umchan anaso sah ahi (1 Cor. 14:23).

Pao chuom tho theina thilpieh hin mikhat chu hetkhahlou mihiem pao le vantil ho pao athodoh sah thei e (1 Cor. 13:1). Ajapha sun in ipi kiseina ahi ahetlou jieh un pao ledoh pih ding ngaicha ahi uve (Acts 2:8; 1 Cor. 14:2, 13-14, 27-28).

Paul in pao hetna nei ding adeisah hi pao chuom tho theina thilpieh mi jouse chang ding ahi tin tampi'n akilekhiel uve (1 Cor. 14:5).

Tahbeh mong in, hiche thilpieh hi deisah pih pen chu ahinai (1 Cor. 14:1). Paul in thilpieh jouse chu *"...japi phattouna dia Lhagao kiphuondoh hetna thilpieh khat chieh kipe a ahi"* ati (1 Cor. 12:7). Hijieh a chu thilpieh chan kibang ji lou ahi.



# GAOTHU SEI THEINA


(1 Corinth 14:3)

**"Pathien thu seidoh vang chun mihiemte kom a khantouna ding le tilkhouna chule lungmonna asehi ahi."**

**Gaothu seidoh theina hi khonung  
lhung ding thu bou hetna ahi poi.  
Houbung khantouna, tiilkhouna le  
lungmuonna ding jong ahi (1 Cor. 14:3).**



**Paul in hiche thilpieh hi adangho sang  
in ahasei jo'i (1 Cor. 14:1, 4, 22-25).  
Ahin, manpha tah a man ding, akhuti  
lou leh chehchaona sosah thei ahi  
dan jong asehi e. "*Mithieng te Houbung  
jouse a chonna bang in*" bol un ati  
(1 Cor. 14:40; 1 Cor. 14:29-33).**



**Houbung dih nunung pen melchihna  
khat in jong hiche thilpieh hi apang  
in, Ellen G. White hinkho le natoh  
thusim a kilang tah in akimu doh thei  
e (Rev. 12:17; 19:10). Thiemgao dih iti  
ihetdoh thei diu ham?**



**Khonung thil lung ding ho—  
suoh tei ding kiti ho— lung tei  
ding ahi (Deut. 18:22;  
Jer. 28:8-9; Jonah 4:2)**



**Gaothu kisei chu akisei masa  
ho toh kilhon dildiel ding ahi  
(Deut. 13:1-3; Isa. 8:20)**



**Jesu thina kuon athodoh  
aphotchiet ding ahi  
(1 John 4:1-3)**



**Thiemgao thusei toh ahinkho  
mandan kikalna ima umlou  
ding ahi (Mt. 7:15-20)**

**“Pathien thilguon jouse lah a vethoi le vetlom pen tah chu numei pasal ti umlouva thilpieh chuom chieh apieh hi ahi. Houbung chu ahulonlei ahin, thingkeh, chivo le pahcha namkim in abom tobang chu ahi. Hyssop keh neocha chu cedar thingphung bang a lien tah pi akilhit ding in akoi pon, olive thingbah jong luso phung bang a sangpi tah akikhanlhith ding in akoi poi. Tampi hon houthu le hetna thudol a hin jilna neocha bou nei ui, hinla hiti loi ho jong Pathien in atoh diu le apanna diu phatah akoi pih e; kineosah le Pathien tahsan pum a lamjot ahi u leh manchah pha tah hung hi ding u ahi.**

**Thilpieh chuom chuom mitin akipe’i; hichu khat in adang ho louva hitheilou kahi ti akimudoh theina ding ahi. Pathien in apieh ahin, Ama kin a amanchah ding u ahi; akipepa le mihiem choi-atna ding ahi pon, vannuoi Huhhingpu choi-atna ding joh ahi. Thudih dinpi le thudihlou nungsun jal a mihiem jouse phattheina dia ahin manchah ding ahi.**